







Kifer ban ipopotam pena pwal ?



-  Basilio Gimo, David Ker
-  Carol Liddiment
-  Shameem Oozeerally & MIE French Students
-  Mauritian Creole
-  Level 2





Enn zour, Lapin ti pe mars-marse bor larivier.



Ipo ousi ti pe promne par laba li ek li ti pe manz lerb ver.



Ipo pa finn trouve si Lapin ti la ek li'nn al kraz so lipie. Lapin finn kriye for « Ayo ! Ipo ! To pa pe trouve ki to pe kraz mo lipie ? »



Ipo demann Lapin pardon ; « Sori mo kamwad. Mo pa finn remark twa. Exkiz mwa, silteple ! » Me Lapin pa ti pe ekoute ek li'nn kriy ar Ipo ; « To'nn fer sa par expre ! Enn zour to pou kone ! To pou peye pou sa ! »



Apré Lapin finn ale rod Dife ek inn dir li : « Al bril Ipo kan li sorti depi dan delo pou manz lerb. Li'nn kraz mo lipie ! » Dife reponn li : « Pa gagn traka mo kamarad Lapin. Mo pou fer seki to finn demann mwa ».



Plitar, Ipo ti pe manz lerb lwin ar larivier kan enn sel kout, « Zoum ! » dife pran. Bann laflam koumans bril Ipo so bann pwal.



Ipo koumans plore ek li al kasiet dan delo.
Dife bril tou so pwal. Ipo kontign plore : « Mo
bann pwal finn brile ! To finn bril mo bann
pwal ! Mo bann pwal inn disparet ! Mo bann
zoli pwal ! »

Lapin ti bien kontan ki Ipo so bann pwal inn
brile ek ziska sa zour-la, bann ipopotam zame
al lwin ek delo akoz zot per dife.





Storybooks Mauritius

global-asp.github.io/storybooks-mauritius

Kifer ban ipopotam pena pwal ?

Written by: Basilio Gimo, David Ker

Illustrated by: Carol Liddiment

Translated by: Shameem Oozeerally & MIE French Students

This story originates from the African Storybook (africanstorybook.org) and is brought to you by [Storybooks Mauritius](https://global-asp.github.io/storybooks-mauritius) in an effort to provide children's stories in Mauritius's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).